

## Partis prima de vniuerso.

modulationibus autem et armonijs quales ibi future sint. Manifestum est indubitanter quia spirituales ibi erunt quales autem ipse sint et quales future reseruo tractatur de substantijs spiritualibus qui sequetur istum. De corporalibus autem modulationibus et gestulationibus et de choris siue choreis quas ibi futuras multi credunt determinandum est ex alijs et per alia quoniam perculdubio ante ea perscrutandum est an possibile sit ibi fore motum corpalem. Si enim non est possibile ibi esse motum impossibile est ibi esse cantiones aut gestulationes. Cum gestulationes euidenter motus sint modulationes autem corporales non videntur nisi per motum posse fieri villo modorum. Hanc igitur questionem videlicet an motum possibile sit ibi esse persequar in sequentibus primum aliquibus dictis de natura seu dispositione corporum eorum quod damnandi sunt et de corporibus paruulorum qui absque remedio originalis corruptionis et immundicie decesserunt. Dico igitur quod corpora damnatorum immortalia erunt ut iam audiisti alioquin non essent susceptibilia cruciatibus perpetuis. Amplius nutrimento non indigebunt cum in consumptibilia futura sint. Si enim locum haberet apud ea consumptio nutrimento restaurabilis essent necessario mortalia et hoc est quoniam continuo defectu seu consumptione tandem necessario morerentur. Quod si dixerit quis quia ista duo sunt partes corporum glorificatorum tu vides ex hijs que dicta sunt quoniam ista consumptibilitas non excludit miseriam. ymo est in extrema miseria et verisimile est etiam quod non excludat miseriam fame et siti quam iustissimum est ut quemadmodum peccauerunt virtute gustabili per eandem torqueantur et quemadmodum peccauerunt in gluuie ciborum et in gurgitatione potuum fame et siti contrarijs crucientur. Verumtamen possibile est omnipotenti creatori igne illo de quo supra mentionem feci tibi eos in faucibus et linguis sufficienter punire. De agilitate vero vel mobilitate huiusmodi corporum non aliud apparet ad presens nisi quod non est ibi necessaria quantum ad diuinam iusticiam quoniam magis decet corpora hominum detineri grauata et illigata supplicijs quam illa agilitate quam audiisti superius ad loca varia euagari presertim cum de carcere infernali eis exire nec liceat neque etiam con-

ueniat. De coloribus vero eorum verisimile est ut tales quod congruat deformitati animarum eorum videlicet thetri et aspectu horribiles ut quemadmodum imitati sunt per ueritate malignos spiritus et horribiles. Sic et eos penali deformitate et aspectu horrifico imitentur.

De corporibus vero paruulorum quos  
D prenominaui tibi multas habes questionem quas nusquam credo determinatas vel etiam propositas. Et prima est utrum in eis dispositionibus resurrectura sint in quibus ex hac vita decesserunt. Videlicet illa infirmitate seu debilitate in qua erant quando decesserunt et in illa desipientia qua nec loqui poterant nec intelligere quicquam aut si forte corpora eorum cum sint immortalia futura erunt et impassibilia et hoc idem debet esse tibi clarum ex hijs que precesserunt quia nulla pena actuali punibilia erunt sicut nulla culpa actuali tenebantur dum hic uiuerent hoc autem ita est cogitueritas iusticie creatoris que non permittit aliquem actualiter puniri quod actualiter non peccauit. Si enim in desipientia et purilitate in qua erant incunabulis ubi et decesserunt permanerent multa inconuenientia sequerentur. Primum quidem quoniam vita eorum ociosa uideret et omnino inutilis. Deinde nisi immortalitate firmes villo modo durabilis. Tercio status tam spiritualis quam corporalis esset omni perfectione naturali prouata in eis propter hoc et alia. Verisimilius est in ea perfectione naturali secundum cursum miserie istius et in virili etate hoc est imperfectione virilis etatis quam adepturi erant si tantum uiuerent et hoc eis prestabitur diuine largitatis beneficentia ut sic impleat decor et perfectio humani generis quantum diuina iusticia patitur. Nec est mirabile si perfectio quam largitur erat eis creator propter successum etatum et temporum si eorum uiuerent ipso resurrectionis momento eisdem largiat et ita requirit ipsa miseria paruulorum ut defectus adiumentorum nature diuina bonitas suppleat et quod naturalibus nutrimentis et adiumentis acceptura erat natura hoc status creatoris illis deficientibus largiat. Similiter et de perfectionibus atque perfectionibus animarum ut eis in resurrectione tribuantur quas si usque ad virilem etatem uiuerent obtinerent. Verbi gratia naturalis prudentiam et similes perfectiones quas virilis etas habere naturaliter consuevit. Si quis autem que-